

**STATUT  
I SHOQËRISË ME PËRGJEGJËSI TË KUFIZUAR**

**INSTITUTI PLIDA TIRANA**

Në Tiranë, sot më datë **10/10/2023**, në cilësinë e ortakëve:

Klodeta Kongres Alushani, datëlindjes 12.08.1987, lindur në Gjerbës e banues në Tiranë, Rruga Sokrat Miho, madhor me zotësi juridike dhe për të vepruar, identifikuar me anë të kartës së identitetit nr. personal I75812048R, në cilësinë e ortakut themelues, Alnida Nikollaq Koroshi, datëlindjes 14.07.1983, lindur në Tiranë e banues në Tiranë, Rruga Komuna e Parisit, Hyrja 3, Apartamenti 23, madhor me zotësi juridike dhe për të vepruar, identifikuar me anë të kartës së identitetit nr. personal I35714064C, në cilësinë e ortakut themelues, deklarojmë se me vullnet të lirë e të sinqertë, dhe inisiativën e lirë private, mbështetur në Kushtetutën e Republikës së Shqipërisë dhe Kodin Civil në fuqi, në ligjin "Për Qendrën Kombëtare të Biznesit, në Ligjin 131/2015, "Për shoqëritë tregtare", i ndryshuar, në Kodin Doganor, Fiskal e Tatimor, krijojmë shoqërinë tregtare, me përgjegjësi të kufizuar, me emërtimin INSTITUTI PLIDA TIRANA.

**KREU I**

**Emërtimi, Forma juridike, Selia, Kohëzgjatje, Objekti**

**NENI 1  
Emërtimi**

1. Emërtimi i shoqërisë me përgjegjësi të kufizuar është INSTITUTI PLIDA TIRANA.

**NENI 2  
Forma Juridike**

1. Shoqëria INSTITUTI PLIDA TIRANA, është person juridik i të drejtës shqiptare, shoqëri me përgjegjësi të kufizuar (më poshtë e quajtur Shoqëria).
2. Shoqëria fiton personalitetin juridik pasi të jetë regjistruar në Qendrën Kombëtare të Biznesit, në përputhje me kushtet dhe procedurat e parashikuara me ligj.
3. Shoqëria, pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.
4. Shoqëria INSTITUTI PLIDA TIRANA, është një e tillë, kapitali i së cilës ndahet në kuota dhe që themelohet nga ortakët të cilët përballojnë humbjet vetëm deri në kufirin e vlerës së kontributit të tyre në kapitalin themeltar.

**NENI 3  
Selia**

1. Shoqëria e ka selinë në Tiranë, Rruga Komuna e Parisit, Hyrja 3, Apartamenti 23. Shoqëria mund të ndryshojë selinë e saj, të hapë zyra përfaqësie, dege, si brenda ashtu edhe jashtë Republikës së Shqipërisë, vetëm me vendim të Ortakëve.

**NENI 4**

### **Objekti i veprimtarisë**

1. Organizimin dhe mësimdhënien e kurseve të gjuhëve të huaja.
2. Import-Export, tregti me shumicë e pakicë të të gjithë librave e artikujve e materialeve didaktike që lejohen me ligj.
3. Organizimin e provimeve kombëtare dhe ndërkombëtare të njohjes së gjuhës Italiane dhe gjuhëve të tjera në emër të institucioneve vendase dhe të huaja.
4. Organizim dhe mësimdhënie të kurseve të informatikës dhe kompjuterave.
5. Organizim dhe mësimdhënie të kurseve plotësuese të cdo lënde mësimore të lejuar në shkollat dhe universitetet publike dhe shtetërore.
6. Organizime të seminareve orientuese për mësueset, personelin administrative dhe mësime në të gjitha fushat.
7. Konsulta dhe përgatitje program didaktiv për Gjuhët e Huaja dhe lëndëve të tjera.
8. Organizimi i kurseve dhe programeve të gjuhëve të huaja dhe gjuhëve të tjera si dhe lëndë të ndryshme për fëmijët e moshës parashkollore dhe shkollore.
9. Agjensi komisionare dhe imobiliare
10. Agjenci udhëtimesh
11. Konsulencë, Përkthime dhe Interpretime me veprimtari në fusha të ndryshme
12. Agjenci marketingu dhe konsulencë, aplikime në ambasada.
13. Shtypshkrime dhe tregtim i artikujve sportiv, librave artistike dhe shkollore.
14. Organizim seminaresh, trajnimesh,
15. Etj

### **NENI 5**

#### **Kohëzgjatja**

1. Shoqëria do të zhvillojë aktivitetin e saj për një periudhë kohore të papërcaktuar, duke filluar nga data e regjistrimit në Qendrën Kombëtare të Biznesit.

### **KREU II**

#### **KAPITALI**

### **NENI 6**

#### **Kapitali themeltar**

1. Kapitali themeltar i shoqërisë është 1.000 lekë dhe i ndarë në 1 kuotë me vlerë nominale 1.000 lekë.
2. Kapitali i mësipërm është nënshkruar dhe shlyer tërësisht në të holla nga 2 ortakët e shoqërisë.
3. Një kuotë e cila ndahet me 51 % të kësaj kuote (510 lekë) i takon Klodeta Alushani dhe dhe 49% të kësaj kuote (490 lekë) i takon Alnida Koroshi.
4. Pjesët e kapitalit themeltar nuk mund të përfaqësohen nga letra me vlerë të tregtueshme

dhe as me kontribute në shërbime.

5. Ortakët përgjigjen për humbjen e shoqërisë përkundrejt të tretëve në vlerën e kontributit të tyre në kapitalin themeltar.

## NENI 7

### Zmadhimi dhe zvogëlimi i kapitalit

1. Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nëpërmjet emërimit nga gjykata kompetente e një eksperti të autorizuar për këto kontribute sipas kërkesës së administratorit.
2. Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.
3. Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit, detyrimisht me aprovimin e ortakëve që përfaqësojnë të paktën 1/2 e pjesës së kapitalit.
4. Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.
5. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë, të paktën 45 ditë përpara datës së mbledhjes së asamblesë të thirrur për të marrë vendim rreth këtij projekti.
6. Zvogëlimi i kapitalit themeltar në një vlerë më të vogël se ajo e përcaktuar në nenin 6 të këtij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në të kundërt shoqëria duhet të shndërrohet në një formë tjetër. Në rast moszbatimi të kërkesave të këtij paragrafi, çdo person i interesuar mund të kërkojë në rrugë gjyqësore prishjen e shoqërisë.
7. Kjo prishje nuk mund të shpallet, nëqoftëse rregullimi është bërë në ditën kur gjykata mblidhet për të marrë vendim.

## NENI 8

### Transferimi i kapitalit

1. Pjesët e kapitalit themeltar mund tu transferohen personave të tretë që nuk bëjnë pjesë në shoqëri, vetëm me miratimin e Asamblesë së ortakëve.
2. Secili nga ortakët ka të drejtë të blejë kuotën e pjesëmarrjes në shoqëri që ortaku tjetër (këtej e mëposhtë i quajtur dhënësi) ka ndër mend të japë me tituj detyrimi ose gratis.
3. Dhënësi duhet tju komunikojë ortakëve të tjerë, në adresën që rezulton në librin e ortakëve, synimi për të dhënë kuotat e tij, duke treguar pranuesin dhe modalitetet e negociimit të transferimit. Brenda 30 ditëve nga marrja e këtij komunikimi, ortakët duhet të dërgojnë një komunikim dhënësit duke deklaruar se duan të blejnë të tërë kuotën, objekti transferimit. Në mungesë, kuota mund ti transferohet pranuesit. Nëse më shumë ortakë deklarojnë se duan të blejnë, ata duhet të bëhen blerës të kuotave në fjalë, në proporcion me kuotat që ata kanë në shoqëri. Në komunikimin që do ti bëjnë dhënësit, ortakët që duan të blejnë kuotat do të kenë të drejtën për të paraqitura fatin brenda të cilit

do të procedojnë për blerjen e pjesëmarrjes shoqërore. Ky afat nuk mund të jetë më i madh se 3 muaj nga data që i është dërguar komunikimi dhënësit.

4. Me qëllim ushtrimin e të drejtës së blerjes, çmimi përcaktohet në bazë të situates pasurore të shoqërisë, rendimentit të saj, vlerës së të mirave materiale dhe jo materiale në pronësi të saj si dhe çdo rrethane apo kushti që merret në konsiderate për të përcaktuar vlerën e pjesëmarrjes shoqërore. Në mungesë të një marrveshje mbi çmimin në bazë të këtij kriteri, ai do të përcaktohet nga një ekspert i emëruar nga Gjykata e qytetit në të cilën shoqëria ka selinë.
5. Të gjitha komunikimet si më sipër duhet të bëhen me letër rekomande ose të dorëzuar në dorë dhe të kundër firmosura. Pjesët e kapitalit themeltar janë lirisht të transferueshme ndërmjet ortakëve. Pjesët e kapitalit themeltar janë lirisht të transferueshme me rrugë trashëgimie. Gjithashtu janë të transferueshme ndërmjet bashkëshortëve, si dhe ndërmjet paraardhësve dhe pasardhësve.

### **KREU III**

#### **ORGANET VENDIMMARRESE DHE DREJTUESE**

##### **Neni 9**

##### **Organi Vendimmarrës**

1. Asambleja e Ortakëve është organi i vetëm vendimmarrës i shoqërisë.
2. Asambleja e Ortakëve është organi i vetëm vendimmarrës i shoqërisë që miraton çdo ndryshim të statutit sipas modaliteteve të përcaktuara në ligj.
3. Asambleja e Ortakëve brenda një afati prej gjashtë muajsh, duke filluar nga data e mbylljes së vitit financiar, miraton raportin e administrimit, inventarin, bilancin dhe llogaritë vjetore, të hartuara nga administratorët.
4. Vendimet merren pas konsultimit me shkrim të ortakëve, në rast se ortakët miratojnë me shkrim përmbajtjen e konsultimit.
5. Ortakët lajmërohen me letër rekomande të paktën 7 ditë përpara mbledhjes së asamblesë. Në këtë letër njoftohet rendi i ditës. Lajmërimi bëhet nga administratori ose ortaku përfaqësues 5% të kapitalit.
6. Asambleja do të jetë e vlefshme edhe pse nuk është mbledhur në përputhje me dispozitat si më sipër nëse në marrjen e vendimit përkatës të ketë marrë pjesë i gjithë kapitali shoqëror dhe të gjithë administratorët, nëse janë emëruar, të jenë të pranishëm ose të informuar përmbledhjen dhe asnjë nuk kundërshton trajtimin e argumentit. Secili ortak ka të drejtë të marrë pjesë në vendime dhe disponon një numër votash të barabartë me pjesët e kapitalit themeltar që ai zotëron. Secili ortak mund të përfaqësohet nga një ortak tjetër. Ai mund të përfaqësohet edhe nga një tjetër person, nëpërmjet prokurës.

##### **NENI 10**

##### **Ndryshimet e Statutit**

1. Ndryshimet e statutit (si transferimi i kapitalit, zmadhimi i kapitalit shoqëror, financimet etj.) duhet detyrimisht të vendosen me miratimin e ortakëve (që përfaqësojnë të paktën tre të katërtat e pjesëve të kapitalit themeltar).
2. Çdo ndryshim statute duhet të depozitohet pranë QKB-së për të pasqyruar ndryshimet në skedën e shoqërisë.

## **Neni 11** **Administrimi**

1. Administratori emërohet dhe shkarkohet me vendim të ortakëve.
2. Përveç kësaj administratori shkarkohet nga gjykata për shkelje të ligjit me kërkesë të çdonjërit prej ortakëve.
3. Ortakët vendosin për sistemin e administrimit dhe në rastin e një organi administrativ me shumë administratorë, përcaktojnë numrin dhe kompetencat e tyre.
4. Administratori/administratorët, mund të jenë ose jo ortakët e shoqërisë. Administratori mund të shkarkohet në çdo kohe. Administratori i shoqërisë është Klodeta ALUSHANI
5. Administratori i shoqërisë emërohet në këtë detyrë dhe ka kompetenca për një periudhë të përcaktuar sipas ligjit. (pesëvjeçar)

## **Neni 12** **Kompetencat**

1. Shoqëria administrohet nga Administratori. Administratori është i pajisur me kompetencat më të gjera për menaxhimin e zakonshëm dhe të jashtëzakonshëm të shoqërisë, me përjashtim të atyre operacioneve kur në ligj ose nëpërmjet këtij statuti i është ezervuar vendimeve të ortakëve.
2. Administratori përfaqëson Shoqërinë përpara të gjithë personave fizikë e juridikë, publike dhe/ose private vendas apo të huaj, autoriteteve shtetërore Shqiptare apo të huaja, përfshirë këtu autoritetet gjyqësore të të gjitha shkallëve.
3. Administratori ka të gjitha kompetencat për të vepruar në marrëdhënie me të tretët në emër të shoqërisë, veç e veç ose së bashku, në të gjitha rrethanat me përjashtim të kompetencave që ligji ua jep shprehimisht ortakëve.
4. Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e saj.
5. Administratori ka gjithashtu të drejtë të nënshkruajë kontrata të ndryshme në emër e për llogari të Shoqërisë, përfshi këtu kontratat e qirasë, shitjes, blerjes a hipotekimit të pasurive të paluajtshme, të nënshkruajë aktet e themelimit të shoqërive të tjera ku Shoqëria është ortak, të nënshkruajë e hartojë çdo dokument e të kryejë në emër të Shoqërisë çdo veprim përballë të gjitha Bankave shqiptare apo të huaja në lidhje me çeljen apo mbylljen e llogarive rrjedhëse të shoqërisë, nënshkrimin e kontratave të ndryshme bankare për financimin e shoqërisë si dhe të kryejë veprime tërheqje e derdhje shumash nga këto llogari pa limit.
6. Shoqëria nuk merr përsipër pasojat ndaj të tretëve kur ajo provon se të tretët e dinin që akti i Administratorit e kalon te objektin e shoqërisë ose kur të tretët nuk mund ta injoronin këtë akt në rrethanat e dhëna, duke patur parasysh faktin se vetëm shpallja e statutit nuk është provë e mjaftueshme.
7. Klauzolat e këtij statuti që kufizojnë kompetencat e administratorit, të cilat rrjedhin nga ky nen, duhet të respektohen nga të tretët.

## **NENI 13** **Përgjegjësitë**

1. Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.
2. Pasojat e marrëveshjeve të pamiratuara nga asambleja që i sjell dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.
3. Përveç padisë për shlyerjen e demit që i ngarkohet personalisht administratorit, ortakët individualisht ose së bashku, kanë të drejtë të ngrenë padi penale kundër administratorit.
4. Paditësit kanë të drejtë të ndjekin në rrugë ligjore shlyerjen e plotë të demit që i është shkaktuar shoqërisë, përfshirë edhe dëmshpërblimin financiar, nëse është e nevojshme.
5. Asnjë vendimi asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.
6. Ortaku që nuk është administrator, ka të drejtë në çdo kohë të informohet personalisht për veprimtarinë e shoqërisë dhe të njihet me llogaritë dhe dokumentet e shoqërisë.

#### **NENI 14**

##### **Viti Financiar**

1. Viti Financiar i Shoqërisë fillon me 1 Janar dhe përfundon më 31 Dhjetor. Përfundimisht, viti i parë financiar fillon nga data e regjistrimit të shoqërisë në Qendrën Kombëtare të Biznesit dhe mbyllet më 31 Dhjetor.

#### **NENI 15**

##### **Bilanci i shoqërisë dhe dividendët**

1. Brenda 6 muajsh nga mbyllja e vitit financiar, Mbledhja e Asamblesë së Ortakëve, miraton bilancin e paraqitur nga Administratorët.
2. Mbledhja e Asamblesë së Ortakëve vendos rreth shpërndarjes së dividendëve, pasi të jenë zbritur humbjet e vitit të mëparshëm financiar, siç edhe parashikohet nga ligji, në raport me kuotat e zotëruara nga secili prej ortakëve.

#### **NENI 16**

##### **Ekspertët**

1. Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko tregtare të shoqërisë, atë vjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e Asamblesë së Ortakëve.
2. Në përfundim të kontrollit, eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorëzojë në kohë ortakëve për t'i shqyrtuar e miratuar mbi bazën e të drejtës vendimore që kanë.

#### **NENI 17**

1. Bilanci Kontabël vjetor, miratohet mbi bazën e vendimit me shkrim të ortakëve, i cili jo vetëm që dokumenton miratimin e tyre por vendos në lidhje me disponibilitetin e fondeve ligjore sipas nevojave të zhvillimit të mëtejshëm të shoqërisë dhe garantimin e veprimtarisë së rregullt të saj, duke pasur parasysh fondin e kumulimit, krijimin e fondit të vecantë, krijimin e rezervës ligjore. Rezerva ligjore krijohet vit pas viti nëpërmjet

lënies mënjane të një shume të barabartë me 5% të fitimit neto të realizuar gjatë secilit vit financiar, derisa të arrihet një shumë e barabartë me 10% të kapitalit themeltar të shoqërisë.

#### **NENI 18**

1. Të ardhurat neto (Dividenti) që mbeten pas vecimit të fondeve ligjore të mësipërme dhe të atyre për shlyerjen e cdo detyrimi fiskal apo likuidimit e pagesave ndaj të tretëve, i mbesin dhe i kalojnë në pronësi ortakëve të shoqërisë.

#### **NENI 19**

##### **Prishja dhe likuidimi**

1. Shpërndarja ose prishja e shoqërisë mund të bëhet në çdo kohë dhe për çfarëdo shkak, edhe para plotësimit të afatit për të cilën është krijuar siç mund të jenë:
2. Humbja e kapitalit ose pamundësia e vazhdimit të mëtejshëm të veprimtarisë së saj.
3. Në një nga mënyrat e parashikuara nga ligji "Për Falimentimin e Shoqërive Tregtare"
4. Kur plotësohet afati i caktuar për ushtrimin e veprimtarisë tregtare.
5. Në këtë rast Asambleja e Ortakëve merr vendim me shkrim në të cilin parashikon mënyrën e likuidimit të shoqërisë, duke caktuar 1 apo disa likuidatorë dhe shënuar në çdo dokument të nxjerrë prej tij emrin e likuidatorit dhe emërtesën shtesë "Shoqëri në likuidim e sipër".

#### **NENI 20**

##### **Bashkimi dhe ndarja**

1. Shoqëria, me anë të bashkimit, mund t'i kalojë trashëgiminë e saj një shoqërie ekzistuese ose një shoqërie të re që ajo themelon.
2. Shoqëria gjithashtu me anë të ndarjes mund t'i kalojë trashëgiminë e saj disa shoqërive të tjera ekzistuese ose disa shoqërive të reja.
3. Ortakët e shoqërisë, që bëjnë kalimin e trashëgimisë së saj në kuadrin e operacioneve të permendura me lart përfitojnë pjesë të kapitalit themeltar nga shoqëria ose shoqëri e përfituese dhe sipas rastit një kompensim me para, vlera e të cilit nuk mund të kalojë 10 përqind të vlerës nominale të pjesëve të kapitalit themeltar të dhëna. Operacionet e permendura më lart mund të realizohen ndërmjet shoqërive të formave të ndryshme.
4. Bashkimi ose ndarja sjell prishjen pa likuidim të shoqërisë që zhduket dhe kalimin e plote të trashëgimisë së saj të shoqëritë përfituese, në gjendjen në të cilën ndodhet kjo trashëgimi në datën e realizimit përfundimtar të operacionit. Bashkimi ose ndarja sjell njëkohësisht për ortakë të shoqërive që zhduken marrjen e cilësisë së ortakëve të shoqërive përfituese sipas kushteve të përcaktuara në kontratë në bashkimin ose ndarjes.

#### **NENI 21**

1. Afati i emerimit të likuidatorit, publikohet sipas kushteve që parashikon ligji perkates duke specifikuar dhe dokumentat që duhen depozituar në Qendren Kombëtare të Biznesit.

#### **NENI 22**

1. Likuidatori është i detyruar që të jetë i vëmendshëm dhe korrekt, si për realizimin e të drejtave për subjektet ndaj të cilëve shoqëria është kreditore dhe për ekzekutimin e detyrimeve debitore që shoqëria ka ndaj shtetasve të veçantë apo personave fizik apo juridik vendas apo të huaj.

1. Cdo mosmarrveshje apo konflikt që mund të lindë gjatë ushtrimit të veprimtarisë së Shoqërisë si rregull dhe përgjithësisht ortakët duhet ta zgjidhin me mirëkuptim, në të kundërt çështja mund të bëhet objekt konflikti gjyqësor në Gjykatën e Rrethit Gjyqësor Tiranë.

#### **NENI 24**

##### **Baza Ligjore**

1. Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.
2. Përsa nuk parashikohet në këtë statut, do të zbatohen dispozitat e ligjit "Për shoqëritë tregtare", Kodit Civil dhe çfardo ligji tjetër specifik në Republikën e Shqipërisë.

#### **NENI 25**

##### **Mosmarrëveshjet**

1. Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata Shqiptare.

#### **NENI 26**

##### **Dispozita përfundimtare**

1. Ky Statut u redaktua në 4 kopje me përmbajtje dhe vlera të njëjta juridike, në gjuhën shqipe dhe pasi miratohet në parim dhe nen për nen nga Ortakët themelues të shoqërisë nënshkruhet në të gjitha kopjet duke vendosur emrin, mbiemrin dhe firmën e tyre origjinale, vërtetësia e të cilave vërtetohet nga unë Noteri.

#### **ORTAKËT E SHOQËRISË**

Klodeta ALUSHANI



Alnida KOROSHI

